



Yesu Hkristu
chyu sha hkye la ai

Shi gaw shadang sha shangai na ra ai rai nna, shi a amying hpe Yesu ngu nna nang shamyang lu na rai nga ai, kaning rai nme law, shi gaw shi a amyu masha ni hpe shanhte a yubak mara ni hta na hkye hkrang la na ra ai, ngu wu ai. Mahte 1:21

Kaning rai nme law, Karai Kasang gaw shi a Kasha hpe kam sham ai ni nlang hte gaw, hten bya n hkrum ai sha, htani htana asak lu la mu ga nga, Karai Kasang gaw shi a Kasha shingtai hpe jaw kau ai du hkra, mungkan ga hpe tsaw ra wu ai. Yawhan 3:16

Shaloi Yesu gaw, Lam mung, tengman ai hte asak mung, ngai rai nga nngai: ngai hta n rai yang gaw, kadai mung nye Wa hpang de n du lu ai. Yawhan 14:6

Kaning rai nme law, sumsing lamu a npu e, anhte hpe hkyehkrang la ai kaw du lu na, shinggyim masha ni hta jaw da ai amying kaga n nga ai, ngu mu ai. Kasa 4:12

Kaning rai nme law, Chyum Laika ni ka da nga ai hte maren, Hkristu gaw anhte a yubak mara a matu mara si hkam sai, ngu ai ga hpe ngai nanhte hpe ap ya made ai. lup makoi ai hkrum nhtawm, Chyum Laika hta tsun da ai hte maren, masum ya nhtoi hta bai hkrung rawt wa sai lam, 1 Korinhtu 15:3-4

Shi a asai a marang e anhte htingrai htingrat ai hkrum nna, anhte a yubak raw dat kau ya ai lam lu la saga ai. Ehpesu 1:7

Anhte atsawm chye na ra ai tengman ai lam mali nga ai.

1. Karai Kasang nang hpe grai tsawra ai.

Shi hte rau sumsing lamu hta htani htana asak lu la shangun mayu ai.
Kaning rai nme law, Karai Kasang gaw shi a Kasha hpe kam sham ai ni
nlang hte gaw, hten bya n hkrum ai sha, htani htana asak lu la mu ga nga,
Karai Kasang gaw shi a Kasha shingtai hpe jaw kau ai du hkra, mungkan
ga hpe tsaw ra wu ai. Yawhan 3:16

Shi hte rau law htam ai hte lachyum rawng ai prat hpe lu la na hpe Shi ra
sharawng nga ai.

Lagut gaw, lagu na, sat na, jahten sharun na matu sha du sa ai: shanhte
asak lu la na hte, dai asak law htam wa na matu, ngai du sa ring ngai.
Yawhan 10:10

Ndai zawn re ai raitim, masha law law gaw lachyum rawng ai prat hpe n hkam sha lu nna, htani htana asak lu na kun ngu ai hpe n chye lu ai majaw...

2. Masha gaw shingra tara hku nna yubak kap ai wa re. Dai majaw Karai Kasang hte hka mat ai.

Yawng yubak galaw ma ai.

Kaning rai nme law, yawng mayawng gaw yubak galaw nga ma ai rai nna, Karai Kasang a hpung shingkang hta tsan gang nga ma ai; Roma 3:23

Kaning rai nme law, gumhpraw marin ai myit gaw, n hkru n hkra yawng a rudi rai nga ai... 1 Timohti 6:10

Yubak a shabrai gaw si ai rai nga ai.

Kaning rai nme law, yubak a shabrai gaw si ai rai nga ai... Roma 6:23

Chyum Laika hta si hkrung si htan amyu lahkawng hpe asan sha tsun da ai.

- Hkum hkrang si mat ai

Shinggyim masha ni gaw lang mi sha si nna, dai hpang e tara dara ai hkrum na, san da nga ai hte maren, Hebre 9:27

- Wenyi si hkrung si htan (sh) Karai Kasang hte ngarai hta htani htana garan nga ai

Raitimung, hkrit kang ai ni, n kam n sham ai ni, matsat shabat re ai ni, masha sat ai ni, shawa num galaw ai ni, lakle amu galaw ai ni, hpara sumla nawku ai ni hte masu magaw ai ni nlang hte gaw, wan hte kan grung ai nawng hta shanhte a kumhpa hkam la lu na mara ai: dai gaw lahkawng lang ngu na si ai lam rai nga ai. Shingran 21:8

Shinggyim masha gaw shut hpyit mara a majaw Karai Kasang hte tsan gang nga ai rai yang, ndai mang hkang hpe gara hku hparan na kun? Hparan lu na lam ni gaw: nawku htung hte pawng nna, mai kaja ai magam bungli ni, arawn alai kaja ni rai nga ai ngu nna anhte chyahkring hkring myit chye ga ai.

Raitim Karai Kasang kaw na hparan ladat langai sha nga ai.

3. Yesu Hkristu gaw sumsing lamu de sa na lam rai nga ai.

Dai gaw Karai Kasang tsun ai lam rai nga ai.

Shaloi Yesu gaw, Lam mung, tengman ai hte asak mung, ngai rai nga nngai: ngai hta n rai yang gaw, kadai mung nye Wa hpang de n du lu ai.

Yawhan 14:6

Anhte a yubak mara ni a matu hkum tsup ai ari jaw ya sai.

Kaning rai nme law, Hkristu mung, hkum shan hta sat kau ai hkrum timung, wenyi hte jahkrung la ai hkrum nna, anhte hpe Karai Kasang hpang de woi wa lu hkra, yubak mara a matu kalang sha si hkam nu ai:

1 Petru 3:18

Shi a asai a marang e anhte htingrai htingrat ai hkrum nna, anhte a yubak raw dat kau ya ai lam lu la saga ai. Ehpesu 1:7

Shi htani htana asak jaw na ga ndat lu nga ai.

Dai kasha hpe kam sham ai wa gaw htani htana asak lu la ai rai nna, dai kasha hpe n madat ai wa chyawm gaw, asak n mu lu na ra ai;

Yawhan 3:36

Kaning rai nme law, yubak a shabrai gaw si hkrung si htan rai nga ai; Karai Kasang a chyeju kumhpa chyawm gaw, anhte a Madu Yesu Hkristu hta e htani htana asak rai nga ai. Roma 6:23

4. Hkye hkrang la hkrum na matu Yesu Hkristu hpe kam sham ra ai.

Anhte a hkye hkrang la ai lam gaw Yesu Hkristu hpe kam sham ai a marang e Karai Kasang a chyeju jaw ai majaw rai nga ai.

Kaning rai nme law, chyeju hte nanhte hkyehkrang la ai hkrum manit dai; dai gaw nanhte kaw na n rai, Karai Kasang a chyeju kumhpa rai nga ai: kadai mung gumrawng gumtawng shara n nga u ga, nanhte a magam bungli hte n seng ai. Ehpesu 2:8-9

Kaning rai nme law, dai Madu a amying nsang hpe shaga ai ni kadai rai ti mung, hkyehkrang la ai kaw du na ra ai. Roma 10:13

Yubak kap ai wa a akyu hpyi ga

Ndai lam hpe kam sham ai myit hte akyu hpyi nga mu;
Madu Yesu e, ngai hpe tsawra ai majaw grai chyeju dum ai. Ngai yubak kap ai wa re ai hpe yin la nna mara raw dat ya na matu hpyi nem nngai. Ngai a yubak mara yawng hpe htingrai htingrat ya na matu wudang ntsa e si hkam ai, lup makoi ai, bai hkrung rawt ai majaw chyeju dum ai. Ngai nang hpe nye a Madu hte Hkyela Madu hku nna kam hpa nga nngai. Nang jaw ai htani htana asak kumhpa hpe ngai hkap la nna, nye a asak hpe nang kaw ap da nngai. Na a hkang da ai ga mahkra madat mara hkan sa nna, Na a man e myi man pa lu hkra, ngai hpe karum la rit. Amen.

Nang gaw Yesu Hkristu hpe kam hpa nga sai rai yang, lawu na lam ni nang hta byin lai wa sai.

- Ya, Karai Kasang hte rau htani htana asak lu sai.

Ngai hpe shangun dat ai wa a myit ra ai lam gaw, dai Kasha hpe mu nna, kam sham ai ni nlang hte gaw, htani htana asak lu la mu ga rai nga ai;
Yawhan 6:40

- Na a yubak mara yawng hpe hka wa nna raw dat kau ya sai.

(lai wa sai, ya, htawm hpang)

Yesu chyawm gaw, yubak a matu hkungga langai mi sha nawng ya ngut jang, Karai Kasang a hkra maga de dung nga ai. Hebre 10:12

- Nang gaw Karai Kasang a man e hpan da ai masha ningnan rai nga ndai. Na a prat nnan a npawt nhpang rai nga ai.
Hkristu hta e marai langai ngai rai nga yang gaw, hpan da ai masha ningnan rai nga ai; yu mu, yawng mayawng ningnan tai wa sai. 2 Korinhtu 5:17

- Nang gaw Karai Kasang a kasha tai wa sai.
Rai ti mung shi hpe hkap la nna, shi a amying nsang hpe kamsham ai ni hpe, Karai Kasang a kashu kasha tai lu na ahkang shi jaw mu ai: Yawhan 1:12

Mai kaja ai magam bungli gaw hkye hkrang la hkrum na matu lam n re ai sha, hkye hkrang la hkrum ai sakse (sh) asi rai nga ai.
Kaning rai nme law, Karai Kasang gaw anhte hkawm sa lu na matu, Karai Kasang lajang da ya sai mai kaja ai magam bungli ni hpe galaw lu hkra, Hkristu Yesu hta e hpan tawn da ai anhte rai nga ga ai. Ehpesu 2:10

Karai Kasang shaman ya u ga!